

燕山二州

夢州
蕭州



序

水大於海山秀於越法普於大士然水者涔山者岬
法者畛其誰出入溪危變現門寢徒使千峰沃青兩
海空雪以軍持楊葉石上自浣天風爾隱放先生骨
若山峙胷若海注去事不願成功不歸滙其視鯨其
口直欲以一醉放天地何有於拳丘何有於掌渚也



爾之游一路春山中禮客星弔忠血揚水眉滿帆破
海與大士妙應煙波徧說入無畏法故其詩蛟龍羣
飛風雷上拔濤雖驚而不敢怒也石雖裂而不敢撼
也始知如隱放先生者可繇爾觀海而禮大士不然
則泐爾啤爾畛爾其何以當之黃鼎書



夢草詩叙

夢草者芝房先生刻其詩自通籍以來
宦於燕中之一種也人情遇可喜之境
則欲其堅寔可怖畏事亟亟欲其化爲
虛幻管有老翁擔油而覆於通衢旁觀
者競寬譬之此老瞪目曰安知非夢哉
今芝房以官爲夢蓋不得志於官者也

當

熹廟卯辰之交天下從風而靡豪傑之士
未能自振芝房仰觀俯察首培逆璫海
內響應當此之時人視之如秋空迅鶻
必旦晚挾浮雲而俯視流輩乃一二季
淹翮郎署仆而復起未嘗一躋臚仕間
有快意之舉往往胷絀於怨與忌者之

口可怖畏者卽在快意中芝房英雄之
氣亦遂用於山水文酒間怨忌者亦竟
無如之何也近同游兩洞庭信宿譚讌
時舉春夢漣對蘇公語以釋名詩之意
余亦舉南華現成語似之曰方其夢也
不知其夢也覺而後知其夢也倘於人
我之際猶介介然則再舉湯義仍姑蘇

曉景詩云十萬人家如夢裡宜一笑置之矣

崇禎戊寅菊月社小第徐波書于安隱

寓菴

夢艸自序

吾人息息以身印境境一往而往卽去
印是印無所著往不能來能遡其往惟
夢足追之乃不期追而忽在吾案尚有
通籍以後投簪以前之四十五題六十
七首境未卽去猶然飛動料吾瞠不受
逃之昔若臨雍應制之瞻觀春官冬署

之竭屨山陵車騎之眺覽鶴行梓侶叱
馭廻舲之酌咎未免斷鬚脫腕貽餅師
不唱渭城之嘲此皆種種往境轉眼炤
燼如在夢中惟是有往可追不免有夢
使我夢在咎必不夢今夢既居今翻惟
夢往惟猶彙帙欲使人人能道我見你
夢余更自笑斯果我筆端亦醒之夢更

無勞婆子爲坡公下註脚也

陸澄原嗣端甫

燕山夢艸

當湖陸澄原嗣端著

聖駕臨雍恭賦

象輅春隨曉仗移
離瞻兩作是君師
橋門萬騎新周壘
璧水千官舊漢儀
藻欲織波添毳袞
槐看寫日上鸞旗
獻琛不數飛鶚頌
樽俎惟中足

運奇

燕山夢艸

擬謝賜貂

紫貂擎出 尚方恩俄唱 綸音聽轉溫款借
氊裘驕夜月班誇簪弁迴朝暎堯玄自覺傳宣
重莫赤誰推擁戴尊腹毳凜驚黃竹苦儼賡元
晉慰乾坤

青芝中翰索雞蓼油貽其寵人并贈

南崖珍露菌名以碧雞芳雋瀝腴中液情分掌
上香膩雲光夜盞泓乳滴春房欲破淡闥笑寒

醃許並膏

送夏比部督學西粵先子棘士也

雲司五色望逾明寒借春花點壯行西省有人
推後進南方何道不先生循陔廿載驅羸馬求
友千秋想谷鶯君故眼空天下士驪黃貽鑑倍
關情

譚梁生納姬

一番梅信趁葭吹絕勝江南如雪時未許額粧

容易點却來燕地買吳姬

枕燦香凝想夜分頻頻偷眼護殘醺不知儂鬢
先生鑿借比郎髯兩絕羣

邸巷郎居東復東暮霞長染鬢痕紅卽教凝望
猶堪妬若更緋衣最惱公

李花楊花各自飛纖縑織素不同衣感歡密意
勝疇昔長願移家新婦磯

簡清芝問恙

薄寒疎雨打薇花春色南枝未肯賒乞取鶯聲
低喚起何勞步障苦相遮

搗藥還同竊藥猜文園消渴幾時迴擲君一片
霜綃影未許人誇草檄來

礪山

河流汨汨語精靈吹壁煙痕破宵冥夜半無人
惹帝子隔原殘火自燒青

夏至閒居應林大宗伯教

圓景占纔妬方，祇禮數雍飄塵倩。雨歇小徑借
雲封，几沐烟嵐靜。窻留竹樹重，窺書閒過鳥。叶
韻響疎蜂，火鏡圍先撤。水簾影乍溶，瓶携空喻
理塵想。豎矜鋒刻鵠慙，新語求羊媿。舊蹤未叨
玄時列，退食許從容。

次韻荅叔度兼柬馬遐卿

迢遞鹽車夢未安，念君重跨北來鞍。忍將歲月
積眉問，咲把行藏縱眼看。桂樹空山終不寂，蓮

花夜鏢豈曾寒。臨岐莫灑楊生淚，儘讓緇塵厭
鵬冠。

輕爇五月過，條桑宿昔烟雲豈異鄉。見說荷裳
高氣色，未應蕙帳倍神傷。

叔度時有梁園採藻
亾姬之戚

生風雨，胡女當鑪艷。鸚鵡兄弟天涯，俱不薄夢
來池草，更輝光。

裾曳空羶七貴門，有心何地不堪論。鏡中漫訝
頭如許，筆底猶驚舌尚存。餐祿寧因木生熟，薄

遊聊借信陵恩請君次第看金鴨燼落煙銷一
夜溫

入洛從教擬壯遊止餘雙鬢未堪秋傳經底事
推劉向旅食關心弔馬周變態浮雲元不競嚶
鳴空谷儘相求試排天地尋高寄縱有明珠忍
暗投

皇極殿成

上賜百官宴輔臣獻詩志喜應

制

紫極鉤陳切 皇居霄漢通函三貽構遠建五
表名崇飛棟初儀鳳修題乍指虹卜季宗萬國
計百子羣工象壯天都煥觀願聖澤豐願言歌
式燕楨榦荅玄穹

李給諫來雲石應索

巨靈偷劈媯皇鼎穿地瘞雲雲不醒土精幽蝕
千萬季給諫堦前神忽挺誰施大手起崆峒峻
嶒八面生罡風驚眼對之喚袍笏惹來身上青

玲瓏我家携有鬱林翠欲與此峯爭鼓吹义手
問石石不言介于之貞主人類

重過寶林寺僧出余舊書索贈

溪水抱幽古春寒如忽生問僧忘臘序識我舊
經行草色分禪定茶烟帶鳥聲願拈無字義領
取墨池清

范石公季伯招遊山房作

癖石先生石作窩杖藜一日三摩挲間情不戀

養生主世事曾叅春夢婆山遠撩人助粧鏡池
清寫客來羣鷺忽飛魚媵愜勝討笑我鷺浴安

盤滿

魚媵石
公舟也

天平山爲石公先生賦

耐鍾鋤雲十畝間衡樓真欲異人間峯攢萬笏
通群帝樹倩三珠種大還清絕每教猿壑妬翠
微常共鶴巢攀經營最是淡屏色不爲跂音修

買山

其二

屨廊盤磴最高頭，窻領蒙茸面面幽。
波動梵音來遠閣，月明歌管在西樓。
花間度鬢矜荀倩，竹裏刊詩耐子猷。
若許生綃圖幅照，澗邊添取問奇舟。

華芳侯招遊擊秀閣

憶昔事京華，緇塵眩春矚。西爽掛城闔，披襟已云足。
屈指送我行，立馬曲江曲。卷言戀故鄉，蒼

翠鎮相續。今來及此時，修閣嵌空綠。衆山隨意
佳，花氣蒸未酷。睠彼修禊季，伊人聚如玉。清流
拂石澗，纖月舉盃屬。出處雖異致，徵信在幽獨。
伊予遠行游，暫慰登躋欲。酒腸遜曩豪，平原自
求督。

海岳菴

小閣層陰拂曙開，居人說是米顛臺。
排軒北固青如許，秉笏于今幾箇來。

讀史雜詠

媯汭驚銷九十春又勞雙筋染湘筠不爭黃鳥
傷心地錯怨當時副輦人

三山何事渺難攀黃竹酣歌正未還辜負後生
仙骨薄枉將作相判人間

高歌倚筑淚千行賴有同舟國士腸垣屬害成
消幾許忍教一語負田光

東呂魚臺季丈

令德觀風最輕函慰阻修神君新畏壘寧毋古
諸侯吏散一庭碧花專半郭幽惠予歌有杕西
望美人愁

安平道中五日

管季曾是傳荏警此日猶聞負弩驅倚艦渴雲
遙帝座窺人怒草過雄圖漢家芻粟千帆合齊
地源泉百道殊安得普天休戰伐一尊先酌辟
兵符

兩頭織織

兩頭織織眉嫵輕半白半黑裙書明膈膈膊膊
釜豆鳴磊磊落落士平生

五雜俎

五雜俎錦繡籍往復還花月夜不獲已烏孫嫁
貽張子襄

大雅如經星終古無滅沒作者萬云殊共此一
津筏昭代集厥成高史晉超忽二李推善變格

韻茗互發上下弘嘉間往往見清越竽瑟後先

進鼓氣猶未竭豈乏五侯鯖披肉不見骨楚聲

一以唱神理在毛髮中原氣所聚馬子近英咄

亾友仲良遺稿痛中郎想像成恍惚崛起欽吾

子迅若摩天鵬貽我烟个詩峰竹增突兀淵源

雖過庭奇性故難汨右支及聖世載筆許揚扞

慚予未聞道依光但日月庶哉努千秋令問永

無闕

清源崇寧菴與湛公話舊余前十季曾此

養病

水義識朝宗沈澆西北注蓄洩司衆堤力盡迺
奔赴清源扼其吭靈氣一丸聚雙流割沙嘴古
剝表雄護如聞天龍吼河伯不敢怒輕策揆窅
窳精藍出回互風鈴鶴鶴賡薛字虫蟻蛭丹臆
煥新題仗彼君王度法繪千箱函妙相群銑具
老衲謝寒暄覲面感新故携讀壁間詩恍信卜

季遇飯我沃不落云使令顏駐金鏡指何方歷
落堦前樹顧余蛇虺性靜因夙所慕况復聞汲
引茲理諒非誤閣杪明千檣惆悵沂歸路

三藩並封途次恭遇有述

周道親親重三朝燕翼多剖桐尊叔父分鼎指
山河龍冊鏤金煥鸞檣拂水和採風當日事宗
國有麟歌

其二

四塞楚秦雄維藩魯衛同行旃天上下綵仗樹
西東地主千官肅波臣足練空河間新禮樂誰
數漢庭功

詠合歡花紅如散絲葉夜合又名合昏北

人呼曰馬纓

奇樹中庭碧覆檐嫣然粧隔夏侯簾朱絲碎剪
心猶結翠羽分梳影尚黏松下謾聞誇小小花
前宛見宿鷓鷯攀條好待淡閨贈敢抱無端換

馬嫌

其二

散作輕霞颺翠微呼名端合艷雙飛何郎別署
朝含粉秦女淡宮夜捲衣眉葉斂痕風乍定帶
香垂縷月初肥情當無忿堪蠲處始信花神有
媵妃

合歡子

豈有飄紅到砌苔乍看凝碧引新菱流蘇結愛

芄蘭佩緩帶勻憐荳蔻胎春殿芳名傳賜果

吳絳

仙有謝賜合歡果詩曉房初實副標梅

偶剖一房其實正七

還憑花

葉垂垂護多恐雙鸞濕露來

有事陵園出北郭門作

秉檄事行役憑軒出玄關闔閤限平楚曠野何
開閒驅塵宿雨厚當風不能頑長天但直眎蜿
蜒卧青山先皇定鼎地龍虎鬱迴環陵氣葱
蔥中精爽如可攀蒼然雲樹變衆靈或紛還仙

人炫石髓玉女明秋髮恍惚携手遇矜此靜者
頽側身睇京闕邈若殊人寰始知吏隱適繇來
非一班

沙河煙望

清秋不欲古蒼莽烟爲宮山氣儻然碧林端時
一空遠梁明鴈水高柳澁蟬風車馬長安夢依
依胥此中

陳彥飛昆季召乩仙拈韻却寄

交新比勘水猶鹹客眼經花太療饑樹畔生風
歡倚玉池邊奏曲雅稱咸禪鋒階處孟初聖仙
句賡來筆怕凡欲並永和論玷長公厨倘許步
兵監

送叔度南歸

且向家山指杖藤着鞭終讓汝先能肩鳶騰上
何當羨領燕遲飛信可憑夜匣水抽秋欲立曉
帆霜橫雁難勝臨岐更道交堪熨行子何勞畏

涉水

山陵恭述

嶺岼嶽勢俯神京 聖武犁庭舊錫名衆壑龍
眠真有氣萬松鵠立迥無聲月游終夜衣冠肅
雲起空天劍佩明石馬金輿何限恨累朝遺澤
在蒼生

六御儲勤森象緯百靈擁蹕鬱輝煌漢庭原廟
聞孫恪周禮明禋列聖光王氣八方雄北面真

符千載護中央小臣賸有星雲紀敢效蒼梧灑
淚長

長陵騎望

草樹無遠色但見羣山青白雲踞山頂變幻隨
其形散作諸陵霞王氣周遭經攀龍既千載飛
魚亦百齡混沌涵葱蒨松栢不敢靈 先皇布
神武終古悲犁庭慘淡聲容中肅然見儀刑小
臣方鳩僦奏刃慚新礪矯首望斷虹叱石如鞭

霆緬彼水衡彥投簪耻罄鋤塗羨擬拮据怵惕
易云寧

米友石季伯齋中觀石聞歌

閒齋擁几石爲羣面面峯巒箇箇雲恠道雲光
容易過清歌又遣隔花聞

其二

輕擘鴟雞水調空懸知三婦畫眉工丈人安坐
調絃處按拍還呼石丈同

贈大司空張公三十韻

上柱表孤擎中朝倚盛名濟川迴地軸補石隄
天行綺歲推高第文壇羨主盟筆霜周柱史窻
雪魯諸生經術舒同譽清通楷遜評燭波憐恠
泣裁葛淬鷄精綬奪藜星彩車分鹵簿聲建牙
卿月迥吹角塞雲平上谷甌爲脫滹沱柳是營
三關雄半壁萬里壯長城帝謂中樞劇師占
長子貞紂兵分左袒侯履贊東征九伐方旁午

多艱正合并中山書太橫去國望非輕浩蕩滄
浪濁嶙峋日觀晴蘭仍隨逕好蒲復借輪迎隆
寄叅均統新猷冠擴清銑銖歸鞬治桃李足邢
楨禹貢勲誰懋堯咨眷獨誠稍遷彌節儉大業
竟平成壁馬河渠練龍犀武庫兵衆材收擘畫
宸語炫褒旌斗極高能運春風多向榮力今爲
砥柱願此去調羹孔李交原舊夔龍意所傾濫
竽慚未秩起草殿羣英光挹星辰近恩滋雨露

宏寸才真擷菲隻韻豈投瓊逐逐時人面依依
吾道撐標持欽令德永賴佐休明

喜晤周更生于長安卽送歸楚更生曾厄

于江故以字也

別我宛如昨十季無問奇逢君還似夢千里一
相思壁別豈堪訴鵬飛會有時且論車馬客何
以慰新知

其二

至人不濡水寧復畏風波客况聊彈鋏生涯但
放歌酒噴燕市薄雲讓楚峰多此去兼葭望蒼
蒼奈爾何

萬都尉梅齋夜集

仙房又見縮羅浮點點冰鱗簇簇幽添得春簫
千日醉減將鄉驛一枝愁葭灰熨艷初歸笛簾
雪依香半上鈎不是主人粧夢繞滿堂詩典爲

誰酬

觀司馬堯夫篆石次韻

秦碑晉苔古風雨不敢打鬼工踞千秋探奇是
誰者蟲雕螽並窺雲僞夢亦假一變迺至道吾
友越司馬經營方慘澹如龍潛指下當其若然
奏石鼓都應啞馬卿秉奇負以此當注瓦至藝
具神令衆範歸一冶妙契點畫初獨寤亦瀟灑
之子萬卷胸慙予未能寫

金維則得孫

昔譽庭前玉今占膝下星未須防跨竈聊復慰
寧馨貫酒醉燕筑含飴向畫屏頌君還祝我好
事也添丁

酬許定宇光祿

卿月排雲夏上書人倫已譽四朝初傲將雁弋
因翔早卜得龍飛是螫餘吟許紫薇爭盼睽笙
聞玄鶴羨吹噓何綠藜火分天上也向寒亭照
子虛

次韻東盧德水并謝餉酒

金馬何因慰倦游
板輿花信未曾秋
良朋只取汗青照
世事俱堪大白浮
海畔干戈那在眼
徑邊松菊且從頭
憐予棄婦顰羞效
欲向君家繡莫愁

只將大塊等浮漚
那復關心去刻舟
問字遙拈齋物論
剖符先得醉鄉侯
身餘犢鼻聊供誚
友高提壺正可求
從此江鄉煙一點
好憑梅信寄

春愁

安平貽鄭水部

在公夙夜念曾同
粉署而今半已空
我亦散人還考澗
君方使者護朝宗
桃花亂漲千帆雨
捷石驚迴兩袖風
見說瓜期將報最
牽帷倘許借鄰封

青芝出家髮佐觴
三髮度曲五鬢行酒

雙盤倭墮恰垂肩
更倚新歌泥客憐
三五月明

人二八不知若個最嬋娟 嬋娟

西子湖邊繫鄂舟洞簫吹徹月曾羞梅花今夜

紅無恙流水空勞出御溝 紅葉

翠袖篔簹不耐搗自調湘管譜涼州清歌最著

縣駒里問姓憐儂也姓鄒 鄒妹

女蘿今夜為誰青小隊明璫出畫屏不學嬌鶯

乍彈舌祇因當戶有三星 青蘿

白紵新裁剛襯緋染丹纖剪水光飛祝將黃裏

教無賦敢辨紅衣與綠衣 紅衣

金翠空從鏡裏聞淡勻輕掃稱僊裙兩行濃抹

驚迴處只讓纖雲艷十分 粉雲

採蓮人在若耶隈隔浦曾呼小字來今日尊前

逞修嫖花花葉葉任相猜 藕葉

修竹間凭看柳稍簾前風恤未成條問儂底事

空緘怨生小何曾試舞腰 新綠

寄阮霞嶼司李

起草才名動隼旗于今計吏有誰如長山秀擁
星占處盤水聲傳嶽降初已仗筆丹空貫索會
飛囊阜晃徵書懷中未減通家刺婺女明眸

東南竹箭豫章材併向桃源取次栽洞有較書
符手澤裝無長物表風裁寨帷月散千門色露
冕龍雄八部才山啓只今虛左俟好將新詠獻
梁臺

大拙生輓詩

醉龍千古擅還醇桑扈蚩蚩詐返真賸有耳孫
剛一轍居然眼孔玩雙輪綠天夢曙雄園長白
社季齊詫僂民三尺變餘瓢五石便教從此到
終身

蕭草題詞

讀蕭草詩卽和蕭蕭仰秣于燕吳數千里
寒原衰柳月店霜橋間如光岳樓高尚有
魯連射書聊城氣象孟嘗墓古更覺當時
食客珠履猶存但惜露筋呼不醒掛劔今
何人耳至若子夜四時十艷宮詞燕樓村
女莫不遣辭鮮腴叶響惺英令人思飛想

躍那得下蕭蕭字樣乎且此草各題多半
我曾着眼第愧不能有句與之爭調尚憶
已未三春訊兄試後見魏姬卧床紅衾薄
覆而冒乳菽發若小重山余不覺心動手
狂隔被按之温軟可念爲之滿房大咲余
則爲此欲舉蕭蕭亦復起一語足之

社弟姚士舜題

題蕭草

吾家隱放月惟酒喝詩是花裁漱浣之
餘皆霏霏玉屑蕭草一編是其數上春
官馬蹄驢背間所得也長安道上冰滿
頤頷塵滿幘袂他人窮途咄咄嘆行路
難恒苦蹇澀失調而隱放曼聲疾書間
以笑謔俊語奔會擊案自雄縱復勞勞

亭畔極望煙沙經其潑墨點染語鳥香
花未有方斯流麗者也去此凡十餘季
隱放旣已冠進賢嶷嶷岼峴雄虺短狐
一發貫腋風波萬頃等諸覆杯獨詩腸
酒腸相賀無恙杖頭偶掛遊屐未貧半
束自携奚囊日積樂此不疲亦足以豪
矣吾嘗謂隱放昔賢窮愁著書強歌無

懽宦遊沉沉涼思飛來正復不易隱放
厭親裘馬樂謝樊籠福償其勞而暇生
其慧才致勝絕所不俟言若濟勝之具
天故有以予之草堂數武竹樹偏饒清
宵未央歌吹疊奏回視十餘季前塵土
風波黃梁炊未熟耳蕭蕭馬鳴不幾爲
塞翁之馬乎

宗第又機衡如甫題

蕭草自序

人哆口詫捷足上姿乃手捉一過所四
上長安書去來幾三萬里莫不面餐胡
雪踵裂層冰時策瘡蹇馬不成步卽云
據鞍而升峻注坡握鬃仰鐙慮挨墻虞
撞樹乍收勒或縱韁厲深駭狎浪戒堊
危擦汗髀肉爲消不知凡幾僅得一春

風看花便爲得意愧矣更憶丙辰卧疴
清源之邸涕扶宗耆之極疲憊悲哀聚
之爲行路難也若此那得不呻呼以和
玄黃之嘶帙之爲蕭蕭仰秣之去景剩
聲也乎

陸澄原嗣端甫

燕山蕭艸

當湖陸澄原嗣端著

中州馬之駿仲良閱

宿京口

劃地江門險排空出建瓴蛟龍爭突兀風雨變
精靈鐘度千山黑帆飛一水清扁舟燈火際有
客自稱星

李觀察桃源莊

燕山蕭艸

胡麻彷彿在人間一徑煙林隔市閒有竹何妨
刊好句無花不解笑離顏分來江眼通寒楚削
出雲根帶遠山比勘若將秦俗問肯容塵客浪
躋攀

雪夜方季康范季琰招集姚公理齋舍坐
有佐觴竹肉兼美卽席留別

高館疎燈對酒青夜闌如夢眼俱醒扁舟有客
能乘雪千里逢人卽是星嬌影乍分啼笑面清

歌細說短長亭明朝還向蕪城望一片閒雲肯
共停

姑蘓雜詠

高築倚寒層千里瞰平野秋空不見人風林自

蕭灑

姑蘓臺

芳洲開步障狼籍舊時紅風雨消不盡春來發

幾叢

百花洲

花比玉顏紅新愁不同澣涓涓清泚寒春風自

領管浣花池

夜浪過新涼輕痕度粉香誰分嬌面影妬殺兩
鴛鴦香水溪

襯入雙蓮冷空音別殿西秋風綦履畔不似聽

烏棲響簾廊

乍覺餘馨襲風分齒舊鬚曉來閒次第羸得口

脂無採香徑

湖蔭借風餘圍綃起寒冽一翻白紵歡遶夜情

應熱銷夏灣

興亡夙殊感腸斷鷓鴣臺惟有溪頭水吞聲笑

越來越來溪

金屋殢穠恩夢亦無坏土夜淡白玉牀猶憶弓

彎舞館娃宮

淥水無心緩春帆漾欲飛月明溪浦夜曾照採

蓮歸錦帆涇

夢斷吹簫侶泉宮冷臂環何當共仙馭化作彩

雲還 鶴市

高距出東郊雄心倘爾爾草色變空原驅雞在
塵市 雞陂

邢關值范五季琰

淒風一以緊挾策來殊方丹樓望如霞行役滿
河梁征舳似星羅嘶馬過人長浮雲背面立大
野空茫茫念子欲何爲飄然辭故鄉子言不得
意歸卧濯滄浪我行殊未已日月崩波怵良會

不須更且各盡一觴何當化黃鵠送子東南翔

廣陵懷古

驚濤吹雪壯揚舲故國煙雲事幾經楊柳有歌
憐宛轉樓臺無月照娉婷燒餘殘槿何季渡碑
覆寒藤到處銘二十四橋秋點靜香魂猶似泣
湘靈

玉鈎斜

荒煙斜渡鎖朝暎無復迷樓舊日恩淚擲寒潮

悲自語粧歸芳草碧留痕玉顏老去灰空冷金
盃重來火尚溫若見麗華應說向胭脂井畔更
銷魂

明妃曲

翡翠辭金殿琵琶倚塞塵可憐秦代月猶照漢
宮人玉筋先秋冷沙場入夜新已拚軀命薄敢
與誰同真聖世崇邊計材官仗妾身吹笳清帳
曉傳酪毳幃春遠嫁寧須借烏孫是舊親

鄒憲副山園

邀得山分惠芙蓉青可捫澗空紆水脉石古劈
松根映席浮雲母當窻滿稻孫主人何必問花
冷玉釭痕

挽鄔子遠光祿

此日披帷處掀髯想舊顏俠曾消碧血官不妬
青山塵榻燈無焰香閨石有班招魂何處所江
月照潺湲

孟嘗君墓

周道蕩無紀群策駭虎視野戰血玄黃霸圖各
鱗次鵲起四雄間遂樹三齊幟百乘匪養尊千
金爲市義魚鉞欽上才鷄鳴有餘智懷古猶神
驚况乃當季事參差世代倏蕭條桑海異高塚
自懔嶢幽室終朝閉枯林悲風號衰草寒霜漬
日夕下牛羊苔荒蝕蠹蠹修名共歸盡萬古同
一致攬轡騁遐躡雄風信可企

燕子樓

落葉吹紅過眼新香魂曾否怨殉身吟殘孤夢
雲應老照冷雙文月亦嗔此日燕泥何處社當
季蛛網幾多塵尚書坟上楊花發飛入樓頭更
不春

史常侍招集齋舍有坐客龐君來自西域

得訊其土風一二

天涯何地不奇緣空藹當盃散莢錢吟社醉拚

千日共客槎高並四星懸風驅白鴈聞鄉語天
落黃河想塞煙絕域定垂流寓傳葡萄曾否記
張騫

東昌岳刺史爾律招飲光岳樓

高樓倍使客心驚却望蓮花一片明當霽摘星
低衆樹隔空圍藹散層城冰壺將月人俱暎太
守如泉酒借清此日登臨能作賦秦封不數大
夫名

過濟上集表舅周伯都闔官舍

輕風吹落燭花寒把酒先歌行路難一說鄉園
俱似夢總憐萍浪若爲歡談經熱欲消魚服草
檄工寧滯鵬冠後夜懷人應北望浮雲如蓋是
長安

賦得蠅志憎也

微管曾有幾紛逐總堪憐令不嫌相點寧須懼
或前濕應翔日砌僵欲避風椽畏塵猶遙集當

屏亦暫妍輕紈爭翅薄銳頰貌形偏蝨陣聊堪
角雞籌秣浪傳薨薨飛豈適栩栩夢誰便倘逐
秋塵起元規覺汝賢

家叔祖比部卒于京護其喪歸有作兼寄

從祖詹僚

撇却林崖坐裏身高歌悲動帝鄉塵千秋鐘簷
輝封事公常疏免
義田征徭五簡平衡屬世臣旅旄津亭
惟赤燒故園池草幾青燐分甘無恙窮交在此

日應同下泣仁

孟夫子廟

巖城高宇肅魁躔仰止應茲禮簪賢名世舊誰
爭五百威儀今始見三千清朝俎豆窺雲古繪
殿衣裳綴月鮮不向衆山瞻氣象已知巖岱立

青天

昔夏行經清泉卧疴崇因蘭若

朱曦亘平陸明霞逗空景湛露晨未晞飛塵夜

猶靜瀏瀏迴颺翻漠漠孤烟逞禪宮既寥泐丹
泉復鳴哽閒庭夾廣栢空塘亂新荇疎鐘隔院
微忽覺炎熇冷伊予秉沉疴夕寐獨抱影中宵
百端集向曙亦耿耿鴻鵠千仞翔毛羽不得整
鷓鴣戀一枝翩然脫笈簪今我獨何爲棄擲如
萍梗念此結中腸涕下紛如綆

病起偶成

晨暉粉桂勁夕露蒹葭靡烟景逝鳴鳩空堂響

行蠶養疴耽索居塊然守棘七季命寄朝菌藥
裹識妙理空傳王子喬神仙盡安爾蚩蚩塵土
中靈修誰可恃達生庶無尤維摩有芳軌

五日病起偕諸君飲禪館卽事

朱火開陽令青鞵愜舊期香歸禪室燼花繞幔
亭旗霽色朝猶薄苔痕晚更移迴波搖雜珮過
雨學長絲病豈糟丘妬歡應藥裹嗤停雲人共
遠求友鳥先知避俗矜林莽逃禪笑辟支角簪

盃懃緩布矢語爭奇萍聚豈堪再蓬飄方自茲
獨醒非我願嗔作弔湘辭

養痾清源僧寮寄巨源叔度

飛烟和雨競廉纖客夢愁從病裡拈續命種應
翻素問長齋差解誦華嚴雲邊雙闕圍青杏雁
外千峯立翠尖消渴羨君仙掌近臨風詩思幾
回添

毛修之奉尊公儀部櫬南還過旅寓夜話

廢翮都忘病可憐翻因往事一凄然那堪夜雨
迷津地同聽悲風陟帖天淚盡經季遊子線魂
消幾點故鄉煙何當更剪園蔬綠散帙閒評背
樹篇

清源菩提寺觀舍利子作

彷彿摩尼幻遙天散七襄都將塵海攝只與慧
燈揚是色還離垢因空豈礙光彌天歸掩映証
地得清涼寶月分姿細玄珠出劫長鷗盃冰欲

洩龍鉢電疑藏網白寒棲露稊紅潔離霜神根
隨動寂眼界變毫芒逐相應無住尋聞定有香
本來同不昧常此對空王

東平道中

短缺歌殘亦客齊愁顏肯惜醉如泥星輝岸草
晨驅馬月澹簷蔕夜聽鷄烏鵲似驚千里外明
河常在片雲西鄉關極望知何處獨有中宵夢
不迷

雨後見月

素月浮庭過雨紋夜涼寒影隔簾分凭闌擬把
清溪笛吹落高天萬里雲

與僧飲有贈

雲蹤幾度老芒屨濁酒歸來蕩好懷不信禪心
消一醉祇應蘇晉有長齋

東省憫凶詩

地已赤千里天胡困一方神誰司穀令魃故舞

農場野燒吹煙斷孤村碓雨狂晨畦空負輓夜
杼不成襄卜月巫迎虎從星吏捕蝗啄肌烏吻
熱照骨鬼燈涼歸馬勞戈甲哀鴻響稻梁割慈
悲故里信美羨他鄉痛哭原應遍丹青繪豈詳
民謠如下採惟有誦斯倉

東省喜雨詩

旬終月當五陸子將南邁晨風興汶陽落日憇
兗界赤阪蕩焦煙火雲爭螿蠶不惜征馬瘖所

悲髀肉憊惋彼東人子陽九遘奇瘵平原散顛
騰連疇絕稅稗漫野牛羊劇餓月狐狸拜粦衿
難可支饑吭紛如搯都無饁婦餉爭有啼兒賣
疾晉惟顓蒼虐魃靡時殺咫尺見杳藹有滄何
當屈須臾寸膚漏零雨忽泐泐南威失其悲曠
同滌癘疥遙觀青林表彷彿恣光恠未酬農峻
祈差了勾芒債行役屨泥塗對此亦稱快自非
離斯群疇不軫天戒

掛劍臺

霜枝無語說青萍
生死應憐一諾靈
臺畔祗今龍化去
秋風吹入草痕腥

輓家給諫開仲十八韻

冶葢歡叢蔭微濡
羨壑涵吾宗推後勁
彼美紹前驂倚玉標
俱暎裁雲理並含
曠懷空枳棘風
慧得瞿曇櫪足寧
淹伏領珠幾縱探
遐觀倫野憤潤步
迥朝簪佩芷看湘
北歌棠擬漢南百城

雄挾卷一字寶無貪
懸綬神羊妬分車
瑞雉慙袞卿資補闕
薇省待封函陽厄
爰當九春織月在
三崩松消夜浪騰
劍失霜鐔鬼伯愚
何甚天公問不堪
瓊瑰歌已斷丘首
夢徒酣性或皈琳
碧魂應痛蔚藍屏
花辭灼灼笛柳罷
穆穆視子追殷眷
驚人想快談大招
愁得句倘許夜臺
叅

南征卽事

舟行不厭水陸行不厭
山匪歡仁智樂境固異

所關憶昔冰始泮理舸別京灣兀與舷楫侶泝
洞燕郢間是時奔沙聚涯澗往往中流出乾土
沉壁功殘事已非枉殺長季空作努爰愁暇日
疲津梁衝炎秣馬征阪長不惜舟車迺更僕嚴
程差幸遵周行忽然商羊舞高壑千山怒激魚
龍潏潏勢遙空遙欲浮江湖大地疑磅礴川原
倒置有如此青天蜀道等聞耳久客都忘行路
難對此蹶然一啓齒

子夜四時歌

朱光入南牖灼燁新花色歡不與時競那能不
相憶

其二

織衣故不輕冰簟故不涼團扇多微風還堪持
贈郎

其三

自從別歡來白露凋芳草持將比顏色能得幾

時好

其四

朔風吹落葉不復自顧慮
憔悴得歡憐爲拾懷
中去

同馬太史時良民部仲良王文學亦房登

樓觀雪齋

玉塵散帝宇飛屑千里驚
肅肅景物斂晶晶煙
氣清憑高乍舒望空天各
鮮澄遙城積寒蔭長

林生夜明深盃淹勝聚廣
筵暢紆情夜闌更流
聳月露皓已盈萬里皎一
白灑氣疑支撐辭理
凌金牖上才麗雄鳴慙無
兔園思追軌蘭臺英
東飛伯勞歌爲友人悼亾

東飛伯勞西飛燕窠裏楊
花暫相見人生嫵婉
會有時莫使秋風到團扇
誰家女兒能樂府手
撥檀槽佢翠羽一曲吳綾
未肯歡千斛明珠那
足數親見當筵繡騎來盤
龍搖影舞粧開解將

玉面分燈出羞倩金裙着地擡笑破清尊眼雙
瞥啼痕忽叫湘篁裂琵琶舊冷漢宮秋明月疑
聞斷腸闕却訝羅敷南陌頭仙衣濕夢乍相留
從他換馬當季席得共吹簫此夜樓華幔流蘇
尚顏色綠雲忽散無消息管井猶啣脂粉恩曉
鶻驚斷煙如織朱顏浪惜爲情死憔悴紅兒幾
堪比君不見北邙山下閨無人羅綺蕭條土花
紫

贈人

花魂秋老合歡床撇却琵琶學內粧破夢閒評
十季事清溪獨處本無郎

其二

玉鏡曾將乞與人季來殘匣任生塵誰憐一夜
飛天上併照霜眉別樣新

艷詩

試問乘烟侶盈盈十五餘桃花春醉晚蕙草雪

消初驪汗綃紅薄迴眸黛綠疎閒愁曾不慣生
小石城居

其二

姊妹寧分妬雙飛譜舊譜撩人身故遠寫恨淚
俱含纖月當眉緩流鶯度曲慙藥欄好春信一
夜長宜男

其三

雙文傳舊恨又見小名收不分鷓鴣夢翻成燕

燕愁歌邀瓊樹滿扇撲綵煙浮如殺盧家婦生
兒似阿侯

其四

儂作山頭草歡無四面風淡幃憐吃吃薄袖想
葱葱飛鳥嬌相傍修鱗怨未通微吟曾倚醉憶
共夜缸紅

其五

生憎淹樂藉風月如平分杯快仙人掌談雄娘

子軍斷魂愁化石曉夢詫飛雲漫自誇夫婿誰
堪惱使君

其六

春風滿狹斜草色變季華怨不禁裁素嗔猶學
碎花窺粧矜髻月翻酒蕩裙霞笑共琵琶語明
君亦妾家

其七

白水近橋梁紅樓過女墻淡粧疑刻畫長袖倚

郎當曉黛山俱瘦春愁燕與忙相知心可樂濁
酒亦沙糖

其八

芳季泥行樂那不及三春扇底怯相見燈前橫
自陳緘愁輕一笑流目故多顰記得宵來醉行
雲恐未真

其九

雅步倚珊珊新襦繡兩端縱喉嫌窄韻歛袂怯

餘歡滿白含羞捧輕黃作意安夜淡嬌不進北
斗落欄干

其十

垂鬢吹雲亂情緘十指銀簷前悲鏡聽屏底競
弓彎慧合畝多寶慙應喚小蠻春花爭努力不
信改朱顏

棘試後同昌巨源夜酌

勝引消玄夜離心快客過流觴歡在戶浪語學

迴波借月添寒燼教雲護薄羅星文占匣底當
醉幾摩挲

宮詞

官家天保久垂裳卜禊初廢半百長永夜不聞
嚴警蹕玉河橋上月如霜

其二

雲曉慈宮五色飛徽音重喜見周妃內人莫更
申遐祝天子當堦學舞衣

其三

雀扇雙遮雲母屏
歡傳龍袞御坤寧
淡宮一樣水壺水
不作長門玉漏聽

其四

王母秋宵下彩鸞
香烟浮動紫霞冠
青宮高對瑤臺月
霜清鴛鴦夜不寒

其五

珠池南海久蕭條
金穴西山又寂寥
只恐旬宣

多伏鬱猶煩阿監探民謠

其六

梨園十部盡雲翹
銀管冰絃取次調
供奉但歌楊柳曲
久無傾國妬纖腰

南歸途中貽京邑游好

朱明散夜晨飈扇
涼攢嵐杳藹征馬玄黃
我戾于越我徂自梁
典言遠邁塵起鑣揚
疇昔我友淹情秋序
合炬輝楹分盃潤楚
零雨飄風忽焉

異處誰能遠道不慕儔侶噉噉麗日旣暘旣晞
軒軒鳴鶚載翻載飛心之憂矣亦孔之饑願垂
遵渚歌慘無衣與子之別嚴程蹶躅四美不臻
群居比子秋狔離腸春鶻罷舌言念君子如圭
如雪修鱗契濶曾莫與游申章命志譬彼鶯求
何以見君白雲脩脩何以贈君江水悠悠

清源邂逅范叔知徃武陽訪舊并以贈行
恠却縵袍戀情淡緩夜寒吾狂不可及君瘦轉

禁看只此啣盃易有如行路難天涯遍知已岐
路莫盤桓

病憇禪舍對雨

雲氣在空碧蒼茫失遠村千林邀起色片雨入
秋痕啄飯僧厨鳥繡書講席猿忘憂堪樹背端
不是庭萱

彭城曉發

東雲翻風風滿野遠樹圍山山亦赭空原一望

少人行塵起遙遙辨車馬
河流驚吼天門開解
騅事業徒荒臺老狐宰
歷作人語猶似當季夜
帳哀雄魂憑吊成宿昔
烏血霜花自朝夕眼底
誰從訴不平指點龍文
在空碧

村女行

天桃花自言花不如園中
管與麻女兒好自言
好不如村中綦與縞村中
女兒腰環環反著袂
彈髻子彎橫醜酒錢嬌不
數當壚指點銀餅閒

春風百日豈憂度使君千
騎誰能駐比翼愁緘
翡翠樓同心夢斷靡蕪賦
君不見婕妤純扇悲
風早翻爲多情得懊惱小
殿疎螢各自飛長門
一夜生秋草又不見琵琶
去國君恩空曲罷闌
干雙筋紅隴月關雲幾多
恨玉顏不及黃金工
蛾眉娟娟照圓魄溝水東
西互相惜芙蓉謝面
柳辭腰點向寒臺同化碧
羨殺胡姬與漢兒春
花燕婉及良時藥藩一任
風吹動不共深閨怨

苦離

十五夜與諸君蕩舟揚子江中得奴字

空勢如湧出同人照不孤
清輝標石鏡小練走天吳
一氣遙爲母三山近可奴
羅衣怯相鑒吟力倚容扶

甘露寺

十里捫蘿近悠然出化宮
潮音千樹合秋色九江通
石徑伍平野烟樓破遠空
回看清梵落僧

在翠微中

淮陰道中

鄉煙疑在望行役已殊方
遠堞沿沙白飛帆趁葉黃
客程雲影亂歸夢鴈聲忙
何限遊梁意蕭然付舉觴

雨行見燕

遙城吹角欲黃昏
悵望南天隔雨痕
梁燕不關遷客恨也隨青草過前村

報國寺偃松歌

木公墮地遺蒼肘幻作枯鱗夜爭吼翠蔭撐空
半壁翻虬痕援浪千門走庭前雙樹屹相向大
枝輪蓋小益盎橫陰無畝托幹同南北東西忽
殊狀高鋪絕頂盤雲根抑昔仙鼎秘精魂天台
三株倘肩背西湖九里俱兒孫其餘偃仰各膚
立蕭疎峭蒨紛如浥短劫頻迴青帝權長生不
借丹砂粒秦封歲月事渺茫人間又見真棟梁

神物自溪明主惜鬱來初地生輝光

鄒邑口號

不辨煙中路沙明郭影親奔雲俱似馬僵樹忽
如人殿帶星分魯碑連火照秦風塵久自畏懷
古正堪俾

雨後

炎雲殊未了借雨蕩氛祲一望惟新漲千山尚
故陰浴沙行鷺穩吟葉住蟬淡屈指期初服秋

風變子衿

飲官梅閣

酒勝風力不禁酣
遙夜登樓想盍簪
惟說何郎詩興好
斷腸今夕是江南

狼石

荒原卧石冷雄圖
寒雨秋風剥薜枯
試向西陵問芳樹
不知消得狼名無

露筋祠

秦郵渡口女郎祠
細雨寒燈夜賽時
解語嗔他曾化石
清魂只許月明知

望嶧山

浮青一片礙雲堆
曾照秦封夜狩回
不分斷碑終到劫
當年應有未沉灰

滋陽道中

漸失車塵熱
遙空欲雨痕
忽憐青不斷
人語出

烟村

秋盡

清秋意不盡占候見殊方遠堞
泐沙白飛帆趁葉黃客程雲影
亂歸夢雁聲忙何限遊梁意蕭
然付舉觴

阻風黃河

沙挾驚痕不斷流殢人愁畔有
離舟已知行路如天上錯向西
風怨石尤

